



SAOPŠTENJE ZA JAVNOST

Potvrđena i druga optužnica zbog krivičnih djela u vezi dodjele sredstava za obnovu ratom oštećenih stambenih jedinica

(Brčko, 09.10.2025. godine)

Osnovni sud Brčko distrikta BiH potvrdio je optužnicu protiv lica A.D. (34)*, E.B. (53)*, S.P. (55)*, M.A. (52)*, H.K. (61)*, E.Š. (52)* iz Brčko distrikta BiH i Z.L. (56)* iz Tuzle, zbog osnovane sumnje da su izvršili krivična djela u vezi sa dodjelom novčanih sredstava za obnovu ratom oštećenih ili porušenih stambenih jedinica.

U toku 2024. i 2025. godine, po naredbi Tužilaštva Brčko distrikta BiH sprovedene su istražne radnje u Odjeljenju za raseljena lica, izbjeglice i stambena pitanja Vlade Brčko distrikta BiH vezano za postupak realizacije Programa dodjele sredstava za stambeno zbrinjavanje, sanaciju/rekonstrukciju ratom oštećenih/porušenih stambenih jedinica na području Brčko distrikta BiH za 2022. godinu. U toku istrage pribavljeno je dovoljno dokaza koji potvrđuju osnovanu sumnju da je naprijed navedenih sedam lica izvršilo krivična djela prilikom realizacije programa dodjele sredstava za obnovu ratom oštećenih ili porušenih stambenih jedinica na području Brčko distrikta BiH za 2022. godinu, pa je Tužilaštvo Brčko distrikt BiH protiv istih podiglo optužnicu, dana 17. septembra 2025.godine.

Predmetnom optužnicom, licu A.D. (34)* na teret se stavlja da je izvršio dva krivična djela "Obmana pri dobijanju kredita ili drugih pogodnosti" iz člana 262 stav (2) i stav (4) Krivičnog zakona Brčko distrikta BiH usljed čega je ostavrio protivpravnu imovinsku korist u iznosu od 27.000,00 KM, a koju je iskoristio u druge svrhe od one za koju su mu sredstva dodijeljena. U isto vrijeme, licu E.B. (53)* na teret se stavlja da je kao javni službenik u svojstvu člana komisije počinio produženo krivično djelo "Zloupotreba položaja ili ovlaštenja" iz člana 377 stav (2) u vezi sa članom 31. i 55. Krivičnog zakona Brčko distrikta BiH, dok se licima Z.L. (56)*, S.P. (55)*, M.A. (52)*, E.Š. (52)* i H.K. (61)* na teret stavlja da su u svojstvu članova komisije kao javni službenici počinili krivično djelo "Zloupotreba položaja ili ovlaštenja" iz člana 377 stav (2) u vezi sa članom 31. istog zakona.

Istovremeno sa podizanjem i ove optužnice, Tužilaštvo Brčko distrikta BiH podnijelo je Prijedlog za oduzimanje imovinske koristi pribavljene krivičnim djelom u iznosu od 27.000,00 KM.

Vrijedi podsjetiti da je u prethodnom mjesecu Tužilaštvo Brčko distrikta BiH podiglo a Osnovni sud Brčko distrikta BiH potvrdio prvu optužnicu protiv četiri lica D.O (63)*, M.J. (56)*, S.P (55)* i E.Š. (52)* zbog krivičnih djela u vezi dodjele novčanih sredstava za obnovu ratom oštećenih ili porušenih stambenih jedinica na području Brčko distrikta BiH za 2024. godinu, kada je također podnešen Prijedlog za oduzimanje imovinske koristi pribavljene krivičnim djelom.

U daljem toku ovog krivičnog postupka, nadležni sud će zakazati ročište za izjašnjenje o kivici optuženih lica.

****Ovom objavom ne prejeducira se ishod krivičnog postupka i ne narušava princip presumpcije nevinosti.
Svako se smatra nevinim dok se pravosnažnom presudom ne utvrdi njegova/njena krivica.****

**ZAMJENIK
GLAVNOG TUŽIOCA
VLADIMIR TEPAVČEVIĆ**